

## Áttundi ársfundur Félags grunnskólakennara haldinn í Íþróttamiðstöðinni Laugardal, Reykjavík 21. apríl 2010 kl. 10:00 – 16:00

Fundinn sátu stjórn og varastjórn FG, fulltrúar í samninga- og skólamálanefnd, formenn svæðafélaga og þjónustufulltrúi félagsins. Auk þess sátu fundinn eftir hádegi formaður Vonarsjóð og fulltrúi FG í stjórn sjóðsins.

Ólafur Loftsson formaður FG setti fund og fór yfir dagskrána. Hann stakk upp á Láru Halldóru Eiríksdóttur sem fundarstjóra og Sesselju G. Sigurðardóttur sem ritara. Það var samþykkt. Lára tók við stjórn. Gengið var til dagskrár.

### Dagskrá ársfundar:

1. Ársskýrsla stjórnar Félags grunnskólakennara
2. Reikningar lagðir fram
3. Umræða um ársskýrslu og reikninga
4. Önnur mál
5. Formlegum ársfundi slitið
  
6. Eiríkur Jónsson formaður KÍ fjallar um LSR. Hvað hafa lífeyrissjóðirnir lært af hruninu? Hver eru tengsl kjarasamninga við eftirlaun kennara? Umræður og spurningar.
  
7. Vinnuhópar
  - a. Málefni Vonarsjóðs. Hver er framtíðin?
  - b. Málefnaþingur. Hvaða mál á FG að leggja áherslu á fram að aðalfundi 2011
  - c. Ritun Aðalnámskrár grunnskóla
  - d. Kjaramál
  - e. Ályktanir ársfundar
  
1. Ólafur Loftsson formaður FG kynnti skýrslu stjórnar. Í máli hans kom fram að starfsemin á árinu hafi markast að einhverju leyti af ástandinu í þjóðfélaginu sem óhjákvæmilega hafi áhrif á skólastarf í landinu. Útskýrði breytingar á greiðslum til svæðafélaga sem tóku gildi um áramótin. Nú fá svæðaformenn laun greidd frá KÍ sem og stjórnir þeirra. Gerði grein fyrir breytingum á þjónustusviði KÍ að frá og með haustinu yrði þjónustufulltrúi FG starfsmaður KÍ. Ræddi hugmynd um fundi í haust með fulltrúum FG í skólaneftendum sveitarfélaganna og tengsl svæðaformanna við þá. Hann gerði grein fyrir því að af vettvangi kjaramála er lítið að gerast. Samningar eru lausir – stöðugleikasáttmálinn gerði ráð fyrir að gengið yrði frá samningum það hefur ekki gengið eftir. Hvað á að gera? Á að setja ríkissáttasemjara í málið? Það kom líka fram í máli formanns að Samstarfsnefndin hefði fundað oft. Þar væru erfiðari mál inni á borði og

nú síðast hefði nefndin séð ástæðu til að bóka sérstaklega að það væri einungis þessi nefnd sem skipuð er fulltrúum samningsaðila LN og FG/KÍ sem túlkar kjarasamninginn. Hann gerði grein fyrir breytingum á formennsku í Skólamálanefnd. Greindi frá samráðsfundum, trúnaðarmannanámskeiðum og fundum, haustþingum, útgáfumálum og erlendu samstarfi. Einnig kom fram í máli formanns að ýmsar breytingar eru framundan hjá KÍ – nýtt félag, félag stjórnenda í leikskólum verður stofnað nú í lok mánaðarins og á næsta ári verður þing KÍ og nýr formaður kosinn og aðalfundur aðildarfélaganna í tengslum við það. Í lokaorðum hans koma fram að aðalmál líðandi árs hafi verið að verja störfin og kjarasamninginn og að það hafi tekist. Hann þakkaði síðan fundarmönnum og fjarstöddum trúnaðarmönnum fyrir störf í þágu félagsins.

2. Reikningar lagðir fram.

Inga María Friðriksdóttir gjaldkeri FG gerði grein fyrir ársreikningi félagsins fyrir árið 2009. Í máli hennar kom fram að fjárhagsleg staða félagsins er góð.

3. Umræða um ársskýrslu og reikninga.

Fundarstjóri opnaði á umræðu um skýrsluna og reikningana.

Formaður KMSK benti án nauðsyn þess að trúnaðarmönnum væri tilkynnt strax í upphafi næsta skólaárs um væntanlegt samstarf við skólanefndarfulltrúa. Hann ræddi líka um að breytingar á heimasíðu KÍ/FG taki allt of langan tíma. Formaður KFR vakti athygli á að þátttaka KFR í Öskudagsráðstefnunni sem Menntasvið Reykjavíkur, Skólastjórafélaga Reykjavíkur og KFR standa að gæti hæglega flokkast undir haustþing. Formaður FG taldi það mjög vel koma til greina að svæðafélögin sendi inn upplýsingar um sín störf sem síðan fylgdi gögnum árs- og aðalfundar. Spurt var um handbókina fyrir svæðafélögin. Í svari formanns kom fram að hún sé væntanleg yfir miðjan maí. Það kom líka fram að áætlað er að uppfæra og gefa út aftur bæklinginn „Velkomin til starfa“. Formaður KSA spurði hvar væri hægt að lesa fundargerðir og annað efni um norrænt samstarf. Það kom fram í svari formanna að á heimasíðu KÍ eru tenglar á erlend kennarasamtök. Hann taldi líka að formenn ættu að geta fengið fundargerðir NSL funda sendar. Það kom líka fram að með tilkomu innri vefjarins verði hægt að hafa fundargerðir aðgengilegar. Spurt var um kostnað við endurskoðun reikninga félagsins. Í svari kom fram að KÍ greiði fyrir endurskoðun reikninga aðildarfélaganna. Á verkefnalista starfsáætlunar stjórnar FG sem lögð var fram er liðurinn – góðgerðamálefni. Spurt var um þann lið. Fram kom að stjórn FG hefur áhuga á að leggja eitthvað af mörkum og spurning hvernig því verði komið í fastan farveg. Fram kom fyrirspurn varðandi kostnað FG þegar starfsemi skrifstofu verður orðin miðlæg og stöðugildum á skrifstofu eyrnamerkum FG fækkar. Í svar og frekari útskýringum á fjármálum FG kom fram að framlög til FG skerðast um það sem nemur launakostnaði þeirra starfsmanna sem um ræðir.


4. Önnur mál

Heimsókn stjórnar FG til Norska kennarasambandsins – Utdanningsforbundet.

Formaður og varaformaður FG sögðu frá heimsókninni og kynntu uppbyggingu norska

sambands og vörpuðu fram þeirri spurningum hvort við gætum lært eitthvað af þeim. Og svöruðu spurningum fundarmanna.

Megin inntakið er að norska kennarasambandið hefur lagt niður aðildarfélög eins og við þekkjum þau. Í stað þess eru félög þvert á skólastig þar sem allir kennara eiga aðild allt frá grasrótinni – frá hinu smæsta til hins stærsta.



April 2010

Ekki voru fleiri mál á dagskrá og formlegum ársfundi slitið.

Eftir hádegið flutti Eiríkur Jónsson formaður KÍ erindi um LSR. Að því loknu var boðið upp á umræður og fyrirspurnir.

Eftir það var unnið í vinnuhópum.

Fundurinn samþykkti eftirfarandi ályktanir: